

NACRT

Na osnovu člana 13. stav 2., tačka 9. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 91. Statuta Općine Travnik („Službene novine Općine Travnik“, broj: 11/05 – prečišćeni tekst), Općinsko vijeće Travnik na sjednici održanoj _____ 2017. godine, **d o n o s i**

ODLUKU osnivanju i teritorijalnoj organizaciji mjesnih zajednica

I – OPĆE ODREDBE

Član 1.

Ovom Odlukom utvrđuju se: uslovi, način i postupak za osnivanje mjesnih zajednica kao obaveznog oblika mjesne samouprave, njihov status, oblik i sadržaj pečata, nazivi mjesnih zajednica i njihova područja, način obezbjeđivanja sredstava za rad, poslovi i nadležnosti, oblici i način odlučivanja u mjesnim zajednicama, organi mjesnih zajednica i njihove nadležnosti, način izbora i opoziva u tim organima, način obavljanja stručnih i koordinirajućih poslova u mjesnim zajednicama i za potrebe mjesnih zajednica, te način obavljanja nadzora nad radom.

Član 2.

Putem organa koje obrazuju mjesne zajednice izvršavaju svoje poslove i nadležnosti u skladu sa Zakonom, Statutom Općine Travnik, ovom Odlukom i statutima mjesnih zajednica.

II – USLOVI I NAČIN OSNIVANJA MZ

Član 3.

Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave, koju osniva Općinsko vijeće Travnik.

Mjesna zajednica se osniva za jedno naseljeno mjesto ili više međusobno povezanih naseljenih mjesta i naselja ili za dio većeg naselja, odnosno grada koji u odnosu na ostale dijelove grada čini zasebno ograničenu cjelinu (dio naselja, odnosno dio grada) ako ima najmanje 400 birača.

Općinsko vijeće može iz opravdanih razloga dopustiti osnivanje mjesne zajednice i ako ima manje birača od broja iz stava 2. ovoga člana.

Član 4.

Odluka o osnivanju mjesne zajednice u pravilu sadrži elemente propisane u članom 1. ove Odluke, a po potrebi i druge elemente propisane zakonom i općinskim propisom.

Član 5.

Prijedlog za osnivanje mjesne zajednice mogu dati građani, njihove organizacije i udruženja, općinski načelnik te Općinsko vijeće.

O prijedlogu za osnivanje mjesne zajednice glasa se na zborovima građana naseljenog mjesta, dijelu naseljenog mjesta ili više naseljenih mjesta i naselja za koje se osniva mjesna zajednica.

Glasanje na zborovima građana provodi se javno.

Prijedlog o osnivanju mjesne zajednice prihvaćena je ako je za isti glasala natpolovična većina birača upisanih u popis birača naseljenih mjesta za čije područje se osniva mjesna zajednica.

U roku od 30 dana od dana utvrđivanja prijedloga za osnivanjem mjesne zajednice o istom će se očitovati Općinsko vijeće Travnik.

III – STATUS MJESNE ZAJEDNICE

Član 6.

Mjesna zajednica ima svojstvo pravnog lica u okviru prava i dužnosti utvrđenih Zakonom, Statutom Općine Travnik, ovom Odlukom i statutom mjesne zajednice.

Mjesna zajednica ima svoj statut i pečat.

Član 7.

Statutom mjesne zajednice, u skladu sa zakonom i Statutom Općine Travnik, uređuje se postupak osnivanja mjesne zajednice, njena nadležnost, organi mjesne zajednice, način njihova izbora i opoziva, njihove nadležnosti, način finansiranja djelatnosti mjesne zajednice, postupak provođenja lokalnoga referenduma, odnos prema Općini i njenim organima, kao i odnos prema pravnim licima na području mjesne zajednice, te druga pitanja značajna za organizaciju i rad mjesne zajednice.

Član 8.

Statut mjesne zajednice usvaja skupština mjesne zajednice na prijedlog savjeta mjesne zajednice.

Statut mjesne zajednice je usvojen ako je za njega glasala većina članova skupštine mjesne zajednice.

Član 9.

Pečat mjesne zajednice ima oblik kruga, prečnika 30 milimetara i sadrži tekst sa nazivom Općine Travnik i mjesne zajednice, ispisanim latinicom i ćirilicom u koncentričnom krugu.

Pečat mjesne zajednice čuva i njime rukuje predsjednik savjeta mjesne zajednice ili lice koje pismenim aktom ovlasti.

IV – NAZIV, TERITORIJALNA ORGANIZACIJA I SJEDIŠTE MJESNIH ZAJEDNICA

Član 10.

U pogledu broja i sedišta mjesnih zajednica zadržava se dosadašnja teritorijalna organizacija mjesnih zajednica, sa slijedećim nazivima, sjedištima i područjima mjesnih zajednica:

1. MJESNA ZAJEDNICA BJELO BUČJE - sa sjedištem u Bjelom Bučju i pripadajućim naseljenim mjestima i naseljima: Bešlija, Bjelo Bučje i Pulac,
2. MJESNA ZAJEDNICA BOJNA - sa sjedištem u Bojni i pripadajućim naseljenim mjestima, naseljima i ulicama: Aleja Konzula, Antifašista, Baščeluci (dio), Bojna Sokak, Bojna,

- Gaj, Kenteš, Naselje Mehmeda Spahe, Pašamahala, Potok, Stadion, Šarića Brdo i Školska,
3. MJESNA ZAJEDNICA CENTAR - sa sjedištem u Ulici i pripadajućim naseljenim mjestima, naseljima i ulicama: Bašbunar (dio), Bosanska, Čabruša, Erika Brandisa, Fatmić, Gimnazijska, Hadži Ali Bega Hasanpašića, Hercegovca, Ilhamijina, Konatur, Krndija, Kulina Bana, Lončarica, Lukačka, Mahala (donja), Mehmed Paše Kukavice, Poturmahala, Prnjavor, Rizaha, Stanična, Šehida, Školska (dio), Vezirska i Zenjak,
 4. MJESNA ZAJEDNICA ČUKLE - sa sjedištem u Gornjim Čuklama i pripadajućim naseljenim mjestima i naseljima: Donje Čukle, Gornje Čukle, Novo Selo i Ovnak (dio),
 5. MJESNA ZAJEDNICA DOLAC NA LAŠVI - sa sjedištem u Docu na Lašvi i pripadajućim naseljenim mjestima, naseljima i ulicama: Dolac na Lašvi, Donje Putičevo, Gornje Putičevo i Novo naselje,
 6. MJESNA ZAJEDNICA DUB – sa sjedištem u Dubu i područjem naseljenog mjesta Dub,
 7. MJESNA ZAJEDNICA GLUHA BUKOVICA - sa sjedištem u Gluhoj Bukovici i pripadajućim naseljenim mjestima i naseljima: Gluha Bukovica, Meokrnje (dio), Obrovac i Ramića Potok,
 8. MJESNA ZAJEDNICA GOLEŠ sa sjedištem u Golešu i pripadajućim naseljenim mjestima i naseljima: Donja Trebeuša, Goleš, Gornja Trebeuša, Komar i Novakovac,
 9. MJESNA ZAJEDNICA GORNJI DOLAC - sa sjedištem u Gornjem Docu i pripadajućim naseljenim mjestima, naseljima i ulicama: Fra Jake Baltića, Gornji Dolac, Guvna i Vakuf,
 10. MJESNA ZAJEDNICA GRAHOVČIĆI - sa sjedištem u Grahovčićima i pripadajućim naseljenim mjestima i naseljima: Barbići, Grahovčići, Plavčići i Vinište,
 11. MJESNA ZAJEDNICA GUČA GORA - sa sjedištem u Gučoj Gori i pripadajućim naseljenim mjestima i naseljima: Guča Gora, Kosovo, Krpeljići, Radojčići i Radonjići,
 12. MJESNA ZAJEDNICA HAN BILA - sa sjedištem u Han Biloj i pripadajućim naseljenim mjestima i naseljima: Brajkovići, Han Bila, Pode i Vranić,
 13. MJESNA ZAJEDNICA ILOVAČA - sa sjedištem u Ilovači i pripadajućim naseljenim mjestima, naseljima i ulicama: Baščeluci (dio), Hazna, Ilovača, Skok i Vilenica,
 14. MJESNA ZAJEDNICA KALIBUNAR - sa sjedištem u Ulici i pripadajućim naseljenim mjestima, naseljima i ulicama: Bilića Dočić, Bilići, Derviš ef. Korkuta, Grga Novaka, Jankovići, Jedikovac, Kacijan, Lovrići, Meljanac, Muhameda Kulenovića, Ovčarevo, Radića Brdo, Vjekoslava Karasa, Vlahovića Brijeg i Zagaj,
 15. MJESNA ZAJEDNICA KARAULA - sa sjedištem u Čosićima i pripadajućim naseljenim mjestima i naseljima: Čosići, Donje Krčevine, Gornje Krčevine, Gotići, Gradina, Hamandžići, Sefer, Selići, Skrobe i Šešići
 16. MJESNA ZAJEDNICA KORIĆANI - sa sjedištem u Gornjim Korićanima i pripadajućim naseljenim mjestima i naseljima: Gornji Korićani, Kruševo brdo 1, Kruševo brdo 2 i Tuk (dio),
 17. MJESNA ZAJEDNICA KRALJEVICE - sa sjedištem u Kraljevicama i pripadajućim naseljenim mjestima i naseljima: Glumci, Kraljevice, Kundići, Peševići, Pirići sa, Turići i Vlahovići,
 18. MJESNA ZAJEDNICA MALINE - sa sjedištem u Malinama i pripadajućim naseljenim mjestima i naseljima: Gornje Maline, Lager, Maline, Pašica i Podstinje,
 19. MJESNA ZAJEDNICA MEHURIĆ - sa sjedištem u Mehuriću i pripadajućim naseljenim mjestima i naseljima: Barači, Fazlići, Jezerci, Mehurić, Miletići, Orahovo, Orašac, Orlice, Pletenica, Poljanice, Sikirnica, Suhi Dol i Zaselje,
 20. MJESNA ZAJEDNICA MOSOR - sa sjedištem u Mosoru i pripadajućim naseljenim mjestima i naseljima: Bandol, Mosor i Velika Bukovica,
 21. MJESNA ZAJEDNICA MUDRIKE - sa sjedištem u Mudrikama i pripadajućim naseljenim mjestima i naseljima: Čogići, Drljevine, Golići, Maglići, Mudrike, Obala, Odžak, Stijena i Žilići,
 22. MJESNA ZAJEDNICA NOVA BILA - sa sjedištem u Novoj Biloj i pripadajućim naseljenim mjestima i naseljima: Brankovac, Džepine, Gladnik, Kula i Čifluk, Nova Bila, Podolac i Ričice,
 23. MJESNA ZAJEDNICA PAKLAREVO - sa sjedištem u Paklarevu i pripadajućim naseljenim mjestima i naseljima: Babići, Barišići, Injići, Marjanovića Brijeg i Paklarevo,
 24. MJESNA ZAJEDNICA PIROTA - sa sjedištem u Piroti i pripadajućim naseljenim mjestima, naseljima i ulicama: Kokošari, Miškića Brdo, Pirota, Vidoševići, Viskovići i Zlokići,
 25. MJESNA ZAJEDNICA POKRAJČIĆI - sa sjedištem u Pokrajčićima i pripadajućim naseljenim mjestima i naseljima: Lovići i Pokrajčići,

26. MJESNA ZAJEDNICA POTKRAJ - sa sjedištem u Potkraju i pripadajućim naseljenim mjestima i naseljima: Didaci, Djaci, Đelilovac, Grahovčići, Ivkići, Nula, Potkraj, Sečevo Škulji i Vlaisovići,
27. MJESNA ZAJEDNICA RUDNIK - sa sjedištem u mjestu Rudnik i pripadajućim naseljenim mjestima i naseljima: Alihodže, Brajići, Brajkovići, Dolac, Karahodže i Kljaci,
28. MJESNA ZAJEDNICA SLIMENA - sa sjedištem u Slimenima i pripadajućim naseljenim mjestima i naseljima. Brizik, Gerzin Do, Grahovik, Heldovi, Polje Slavka Gavrančić i Slimena,
29. MJESNA ZAJEDNICA STARI GRAD - sa sjedištem u Ulici i pripadajućim naseljenim mjestima, naseljima i ulicama: Bašbunar (dio), Bunar, Čatale, Čila, Dokuzi, Donja čaršija, Donje Osoje, Džikin Sokak, Gornje Osoje, Gradac, Hasanagina, Hendek, Mostarska, Musala, Podilovača, Podmusala, Srednje Osoje, Šumeće, Tabić Mahala, Varoš i Zulići,
30. MJESNA ZAJEDNICA ŠIŠAVA - sa sjedištem u Šišavi i pripadajućim naseljenim mjestima i naseljima: Babanovac, Bjelosavac, Čatići, Kutlovac, Lužnica, Palež, Potok, Rakita, Šemunica i Šišava,
31. MJESNA ZAJEDNICA TURBE - sa sjedištem u Ulici i pripadajućim naseljenim mjestima, naseljima i ulicama: Bačvice, Donje Turbe, Ganići, Gornje Turbe, Kazići, Ridžići, Runjići, Spajići, Šakići, Varošluk i Voćnjak,
32. MJESNA ZAJEDNICA VIŠNJEVO - sa sjedištem u Višnjevu i pripadajućim naseljenim mjestima i naseljima: Višnjevo i Višnjevo Potok,
33. MJESNA ZAJEDNICA VITOVLJE - sa sjedištem u Vitovlju i pripadajućim naseljenim mjestima i naseljima: Dedići, Dol, Dukat, Gračani, Melići, Naselje Brunei, Odžak, Ponir, Potkraj, Sažići, Strana, Šaranka i Vitovlje,
34. MJESNA ZAJEDNICA ZAGRAĐE - sa sjedištem u Zagrađu i pripadajućim naseljenim mjestima i naseljima: Luka, Skomorje, Tavni Do i Zgrađe.

Član 11.

Rubne granice katastarskih općina, ulica ili trgova ili njihovih dijelova iz područja mjesne zajednice predstavljaju granicu mjesne zajednice, a na dijelu na kojem Općina Travnik graniči sa entitetom Republika Srpska entitetska linija predstavlja granicu Općine Travnik i mjesne zajednice u tom području.

Na osnovu ove Odluka Služba za urbanizam, građenje, katastar i imovinsko pravne poslove će posebnim Elaboratom detaljnije utvrditi i na karti ucrtati granice mjesnih zajednica, sa iskazanim površinama.

V – SREDSTVA ZA RAD

Član 12.

Sredstva za rad mjesnih zajednica, odnosno drugog oblika mjesne samouprave su:

1. Mjesne zajednice imat će prihode srazmjerne ovlaštenjima predviđenim zakonom, statutom i ovom Odlukom,
2. sistem finansiranja mjesnih zajednica mora biti dovoljno raznovrstan i evolutan kako bi mogao slijediti, koliko je praktički moguće, promjene stvarnih troškova obavljanja poslova iz ovlaštenja mjesne zajednice,
3. sredstva osigurana Budžetom Općine Travnik,
4. sredstva osigurana iz sredstava samodoprinosna,
5. sredstva za usluge koja svojim aktivnostima ostvaruje mjesna zajednica,
6. pokloni i druga sredstva.

Mjesna zajednica koristi sredstva u skladu sa svojim programima i planovima i o tome vodi potrebne evidencije i sačinjava izvještaj.

VI – POSLOVI I NADLEŽNOSTI MJESNIH ZAJEDNICA

Član 13.

Građani u mjesnoj zajednici putem organa mjesne zajednice odlučuju o poslovima

značajnim za život i rad na području mjesne zajednice, naročito:

1. pokreću i učestvuju u javnoj raspravi kod pripreme i donošenja urbanističkih planova na području mjesne zajednice, učestvuju u raspravi kod izrade i donošenja Budžeta Općine Travnik,
2. pokreću inicijative, daju mišljenja i učestvuju u izgradnji i održavanju komunalnih objekata i puteva u općoj upotrebi,
3. pokreću inicijativu i učestvuju u raspravama o inicijativi i aktivnostima za razvoj privrede i društvene djelatnosti;
4. brinu o zaštiti osoba kojima je potrebna pomoć i u tu svrhu pokreću saradnju sa stručnim organima u oblasti socijalne zaštite,
5. staraju se o razvoju kulture i sporta i stvaraju uslove za dostupnost ustanova i objekata kulture i sporta svim građanima, pogotovo mladim,
6. stvaraju uslove i preduzimaju mjere za očuvanje i zaštitu prirodnih i radom ostvarenih vrijednosti čovjekove sredine,
7. raspisuju i provode referendum za područje svoje mjesne zajednice,
8. pokreću inicijative i akcije za izgradnju i održavanje grobalja,
9. čišćenje javnih površina, odvoz smeća, odvođenje atmosferskih voda i zaštita okoliša,
10. obavljaju i druge poslove utvrđene Zakonom, Statutom Općine Travnik i statutom mjesne zajednice.

Član 14.

U ostvarivanju svoje uloge iz člana 13. ove Odluke organi mjesne zajednice svoje aktivnosti koordiniraju sa načelnikom Općine Travnik i općinskim službama uprave.

Član 15.

Na prijedlog načelnika Općine Travnik, posebnom odlukom Općinskog vijeća, mogu se na mjesnu zajednicu prenijeti određeni stručni poslovi iz djelokruga rada Općine, koji su u nadležnosti općinskih službi za upravu, a od neposrednog su interesa za prava i obaveze građana (vođenje određenih evidencija i drugi poslovi koji su od značaja za rad općinskih službi za upravu.

Sredstva za obavljanje poslova iz stava 1. ovog člana obezbjeđuje Općina Travnik u svom Budžetu.

VII – OBLICI I NAČIN ODLUČIVANJA

1. Oblik odlučivanja – Zbor građana

Član 16.

Zbor građana je neposredan oblik odlučivanja građana, na kojem se odlučuje o pitanjima od značaja za život i rad, te o zajedničkim interesima i potrebama naseljenog mjesta ili naselja.

Zbor građana može davati inicijative, prijedloge i mišljenja za rješavanje određenih pitanja iz nadležnosti Općinskog vijeća Travnik, te o nacrtima odluka i drugih dokumenata Općinskog vijeća.

Član 17.

Zbor građana naseljenog mjesta, naselja ili mjesne zajednice saziva i njime rukovodi predsjednik skupštine mjesne zajednice, a način rada i odlučivanja na istom detaljnije se uređuje statutom mjesne zajednice.

2. Oblik odlučivanja – Referendum

Član 18.

Referendum je je neposredan oblik odlučivanja građana, na kojem građani odlučuju o pitanjima iz člana 13. ove Odluke.

Način provođenja referenduma detaljnije se uređuje statutom mjesne zajednice.

3. Oblik odlučivanja – Skupština mjesne zajednice

Član 19.

Skupština je organ mjesne zajednice u kojem građani posredno, preko izabranih delegata naseljenog mjesta, naselja ili ulice, odlučuje o pitanjima od značaja za život i rad, te o zajedničkim interesima i potrebama naseljenog mjesta ili naselja.

4. Oblik odlučivanja – Savjet mjesne zajednice

Član 20.

Savjet je organ mjesne zajednice u kojem građani posredno, preko izabranih članova savjeta iz naseljenog mjesta, naselja ili ulice, odlučuje o pitanjima od značaja za život i rad, te o zajedničkim interesima i potrebama naseljenog mjesta ili naselja.

VIII – NADLEŽNOSTI I NAČIN IZBORA ORGANA MJESNE ZAJEDNICE

1. Organ mjesne zajednice - Skupština

Član 21.

Broj članova skupštine mjesne zajednice utvrđuje se statutom mjesne zajednice, ne može biti manji od 25 i veći od 50 delegata, a određuje se zavisno od veličine mjesne zajednice, s tim da broj delegata ne može završavati parnim brojem.

Teritorijalna, nacionalna, polna i starosna struktura skupštine mjesne zajednice utvrđuje se srazmjerno broju birača naseljenog mjesta, naselja ili ulice iz sastava mjesne zajednice za koju se bira, što se detaljnije reguliše statutom mjesne zajednice.

Pravo da biraju i budu birani imaju osobe koje se nalaze na biračkom spisku naseljenih mjesta, naselja i ulica iz sastava mjesne zajednice za koju se vrši izbor.

Član 22.

Delegati za skupštinu mjesne zajednice biraju se direktno na broj pozicija koji su statutom mjesne zajednice predviđene za to naseljeno mjesto, naselje ili ulicu.

Kvorum za sazivanje skupštine mjesne zajednice predstavlja natpolovična većina izabranih delegata skupštine.

Skupština iz reda delegata natplovničnom većinom prisutnih bira predsjednika skupštine, vodeći računa da predsjednik skupštine i savjeta nisu iz istog naselja ili ulice, a u mješovitim zajednicama ni iz istog konstitutivnog naroda.

Mandat delegata i predsjednika skupštine traje četiri godine.

Član 23.

Opoziv delegata i predsjednika skupštine mjesne zajednice vrši se na način i po postupku kao i kod izbora.

Nadležnosti Skupštine

Član 23.

Skupština mjesne zajednice nadležna je za obavljanje poslova koji neposredno utiču na svakodnevne potrebe građana za život i rad, kao što su:

1. raspisivanje referenduma za područje svoje mjesne zajednice,
2. usvajanje godišnjih programa i izvještaja o radu mjesne zajednice,
3. izgradnja i održavanje puteva, kanalizacije, vodovoda i drugih komunalnih potreba,
4. uređenje naselja, izgradnja i održavanje parkova, nasada, dječijih igrališta te sportskih objekata i sl.
5. izgradnja i održavanje grobalja
6. čišćenje javnih površina, odvoz smeća, odvođenje atmosferskih voda i zaštita okoliša
7. obavljanje i drugih lokalnih poslova od interesa za život i rad građana u mjestu stanovanja, određenih statutom mjesne zajednice, u skladu s ovim statutom i općinskim propisima.

2. Organ mjesne zajednice – Savjet

Član 24.

Broj članova savjeta mjesne zajednice utvrđuje se statutom mjesne zajednice, a ne može biti manji od 5 i veći od 11 članova, te se određuje se zavisno od veličine mjesne zajednici, s tim da broj članova savjeta ne može završavati parnim brojem.

Na prijedlog predsjednika savjeta, većinom glasova prisutnih delegata, članove savjeta bira skupština mjesne zajednice, vodeći računa o teritorijalnoj, nacionalnoj, polnoj, stručnoj i starosnoj strukturi izabranih članova.

Mandat članova i predsjednika savjeta traje četiri godine.

Član 25.

Savjet iz reda svojih članova, udruženja građana, privrednih asocijacija ili od strane uglednih građana imenuje sekretara mjesne zajednice, a po potrebi i radne grupe, komisije i stručne timove koji svojim znanjem pomažu rad savjeta.

Mandat sekretara i članova radnih grupa, komisija, timova i slično utvrđuje savjet mjesne zajednice svojom odlukom.

Član 26.

Predsjednik savjeta mjesne zajednice bira se direktno na mjesnim izborima i on zastupa i predstavlja mjesnu zajednicu, a u njegovom odsustvu predsjednik skupštine ili član savjeta kojeg pismeno ovlasti.

Predsjednik savjeta mjesne zajednice može biti izabran ako ima najmanje IV stepen stručne spreme.

Nadležnosti Savjeta

Član 27.

Savjet mjesne zajednice:

1. donosi program rada, finansijski plan i završni obračun,
2. donosi poslovnik o svom radu,
3. imenuje sekretara mjesne zajednice, članove radne grupe, komisije i stručne timove,
4. izvršava operativne poslove i zadatke mjesne zajednice u pogledu obaveza prema Općini Travnik, preduzećima i ustanovama i građanima svog područja,
5. obavlja i druge poslove koji su od značaja za ostvarivanje zajedničkih interesa i potreba građana sa područja mjesne zajednice utvrđene statutom mjesne zajednice.

Član 28.

Izbori delegata skupštine i predsjednika sevjeta svih mjesne zajednice Općine Travnik održat će se na isti dan, u isto vrijeme.

Organe iz stava 1. ovog člana biraju građani upisani na biračkim spiskovima naseljenih mjesta, naselja, ulica i trgova koji pripadaju mjesnoj zajednici za koju se vrši izbor.

Održavanje mjesnih izbora za organe mjesnih zajednica, vrijeme i način održavanja, nosioci aktivnosti izbora i nadzora nad provođenjem istih regulisat će se Pravilima izbornog postupka, koje će donijeti Općinsko vijeće Travnik.

IX – STRUČNI POSLOVI MJESNIH ZAJEDNICA

Član 28.

Operativno - stručni poslovi u mjesnim zajednicama obavljaju se u skladu sa zakonom, podzakonskim propisima i standardima u koji važe u Federaciji BiH.

Poslove u mjesnim zajednicama iz stava 1. ovog člana obavljaju savjet i sekretar mjesne zajednice, a po potrebi i posebni stručni timovi, komisije ili servisi, koje imenuje ili ovlasti savjet mjesne zajednice.

Član 29.

Koordinacijske poslove i poslove stručnog usmjeravanja rada mjesnih zajednica obavlja koordinator za rad mjesnih zajednica Općine Travnik.

Koordinator za rad mjesnih zajednica vodi registar mjesnih zajednica sa podacima o izabranim predstavnicima mjesnih zajednica i drugim propisanim evidencijama i promjenama.

X – DOKUMENTI I OBRASCI MJESNIH ZAJEDNICA

Član 30.

U sklopu operativno – stručnih poslova mjesne zajednice vode slijedeću dokumentaciju i obrasce:

1. Planove i programe rada,
2. Finansijsku evidenciju, obrasce i izvještaje,
3. Potvrde,
4. Izjave o zajedničkom domaćinstvu (kućne liste) i druge dokumente i obrasce iz nadležnosti mjesnih zajednica.

Izgled i sadržaj Izjave o zajedničkom domaćinstvu, a po potrebi i druge obrasce, propisat će načelnik Općine Travnik.

XI – PRELAZNE I ZAVRŠNE ODREDBE

Nadzor nad radom mjesnih zajednica

Član 31.

Nadzor nad zakonitošću rada mjesnih zajednica vrši Općinsko vijeće Travnik putem izvještaja mjesnih zajednica i rasprava, putem načelnika općine i općinske službe nadležne za poslove mjesnih zajednica.

Općinski načelnik ima pravo i obavezu predložiti Općinskom vijeću da raspusti skupštinu i savjet mjesne zajednice i da u roku od 30 dana raspiše nove izbore za organe i tijela mjesne

zajednice ako utvrdi da u svom radu učestalo krše statut mjesne zajednice, Statut Općine ili druge propise Općine.

Član 32.

U posebnim uslovima, koji će detaljnije biti određeni Pravilima izbornog postupka, a zbog nemogućnosti provođenja izbora u mjesnoj zajednici načelnik općine će putem općinske službe nadležne za poslove mjesnih zajednica donijeti rješenje o brisanju osoba za predstavljanje i zastupanje mjesne zajednice, te će na period od 60 dana imenovati vršioca dužnosti predsjednika savjeta.

Tako imenovani vršilac dužnosti ima sva prava i obaveze predsjednika savjeta, a u roku od 60 dana od dana imenovanja provede se izbori za organe i tijela mjesne zajednice na način i po postupku propisan ovom Odlukom i Pravilima izbornog postupka.

Član 33.

U roku od 90 dana od dana stupanja na snagu ove Odluke mjesne zajednice su dužne uskladiti svoje statute sa ovom Odlukom i uputiti ih na saglasnost Općinskom vijeću Travnik.

Odluka stupa na snagu narednog dana od dana objavljivanja u Službenim novinama Općine Travnik, a njenim stupanjem na snagu prestaje da važi Odluka o organizaciji i funkcionisanju mjesnih zajednica na području Općine Travnik („Službene novine Općine Travnik“, broj: 8/01),

Broj:
Datum:

**PREDSJEDAVAJUĆA
OPĆINSKO VIJEĆE TRAVNIK**

Vlatka Lukić, dipl.teolog